

程氏墨苑

程典客墨賦

新都程鴻臚幼博氏守玄知黑以  
墨為技名重詞林品越族賈余用  
其墨而心快焉乃為作賦其辭曰  
夫何伊人之特稟紛衆美之獨備遵  
尚網之令謨羗舍章而養晦既耽玄

而如楊復守黑之似李德何不潛技  
乃必綴翱翔於觚槩之塲蹉跎于述  
作之宇矚隕靡于今日嗟神理之未  
既續緒上黨授精易水則象翼公佩  
灋潘氏型規二螺義竊九子消天時  
度坐理慎燥濕避寒暑鳩良工簡妙

技備殽哉豐廩餼功不速化物取玄  
詣以材則廬岳之松大峰之煤蒼麋  
之角文豹之髓魚腦呈玄麝臍流紫  
茜草襪襪澤蘭霍靡珠胎璣屑瑤膏  
玉乳品以集成芳非一類黑水重郵  
玄霜厯祀溟海為枯雍丘半死以工

則千燈渠晉孤莖蕭條酌液憑衡列  
視如標分曹戍守丹爐間寥紋煙妖  
娘幽焰焱搖似有而若無驟卑而倏  
高迴冗綺疏遲遲楹櫟然後揉襍百  
馥和調諸膏烟膠相得子母携抱嶧  
山之桐不多齊州之漆貴少于是盛

彼玉杵擣以金椎若斲若續乍合乍  
離夫其勗勗作力罔媮與佚若朱亥  
千斤而搏浪一擊其宵旦斲絡繹動  
勗若玉兔擣藥而天媛報章其疾徐  
甘苦得心應手若郢人斲鼻而庖丁  
解牛故其為質也堅如連錫貞似珉

功玄圭杳夔蒼璜旁魄消寸必以經  
年橫溝可容一夕筑陽磊砢未足齊  
徽懷化嶙峋猶難比德其為色也黝  
黝燁煌卿雲朝升景星夜張元始乍  
湮太素發芒遇木則入冥暗而光比  
漆於一點之小為德于三年之藏其

為香也衿袂扶踈莖虎鬣燠噓氣歆  
蒸流脂滲漉踰牛頭勝雞舌陵都梁  
軼迷迭吐魚腹而氤氲隱豹囊而馥  
醇攘芙蓉之幽芬奪申枏之酷烈其  
為制也圓規象乾方萬摹地八陵四  
極六符五緯埏埴珎珣鑄鏤具備成



直而挺或脩而銳觿角槃匱靈章瑞  
璽人取龍賓物用狻猊松丘太守佛  
沼青衣搏異形歷殊制伯益所不能  
名隸首所不能識乃綴以金珠抹以  
翡翠鬣以文綺寘以革櫃故能使珍  
方照乘價埒連城貴同水碧重竝金

莖詞壇秀文苑馳轂不翼而翥不胫  
而征石室搽觚蠹簡藉潤宮闈掃黛  
蛾綠爭盈何分公擇好不獨張金徐  
峰假爽以博得潘谷隔簾而知驚亡  
不神松煤為萬錢之值秘香譬作十  
世之珍者也乃其若煙無烟若質無

質似香非香似色非色漠嘿變幻恍  
惚漏元氣而涇濛盈沆瀣之流液是  
又宵練逸形龍秋絕力舍利舍景玄  
珠匿跡將使歐冶旁皇九方辟易阿  
育啼噓罔兩莫測者矣雖復名公碩  
士騷客文人玄香快意烏玳賞心吐

詞繚屬持論繽紛剡藤阜起紺帙山  
陳曾何足以喻其義理得其神情者  
乎乃彼氏象帝之始不與物遷木雞  
自保害馬都捐處于不言之府酌于  
無朕之源雖華袞之日至而文理之  
闇然其或黑白倒寘雌黃錯繆謂玄

非玄妬婦有口抑復在涅不淄有玷  
無咎即費輸攻不辭墨守

梁溪鄒迪光謨

潘萬嗣書

程幼博墨賦有序

東諸侯廷實暨東人士羔雉大陳箱簏  
小逾挺笏輒手歛墨如効揚金然率嫁  
婢賣櫝溷鼠截燕司會無繇質劑掌翰  
因之寘物雖有蘭薰雪白鳳質龍章頡  
籀鳥跡斯邕龜文兼金總石量漢權秦  
六書入室八體互能懸針倒薤雲氣芝

英光茫萬丈肺肝五文然縹筆既簪玄  
黃斯判鐵摘有拆油素乃功必也青鏤  
代乎剗厠黑人下以繫鉛符采昭灼炳  
煥新鮮勢不得掩滅闇溜湑詭喧虺自  
非體竒好異之士冥心索古之夫官物  
辨風之匠程材亮工之人讚事必依其  
本取數必核其衷烏能助其氣色呈其

鉅麗宣其湮鬱發其光怪使朱白擅乎  
山海仲鞅用以齊秦撫咸池而震野羞  
大別以為牲沛乎若巨鱗縱壑而躍紅  
飛翮乎若健翮颺雲而舉青萍此亦人  
馬得器手習之能事也歟固墨藪其上  
多古松心則鷄足上黨之所萃峯也法  
肇南唐則超廷珪之所流播也烟煥地



煤則燭龍九華燈之所然熒也搥襍蟪  
珠則夜日晝星之所透射也從風自然  
則龍麝沉水之所郁烈也螭合鱗鬣則  
羣玉近賜之所沿習也磨殘古色則潘  
谷見拜之所驚示也麋角煎膠則大官  
赤管之所月給也製像敦彝則大馬博  
物之所考志也流走四夷出入宮禁侈

侮龍璽于附蟬貂光敵百城貨鏹萬數  
則竒觚氏之所以喧傳騰驤也然而權  
神于獨巧墮于終質痛于廣智昏于驚  
啖名之客升其閭域若披省禁之華吠  
聲之羣識其歛題如獲隋和之翫率使  
貿易闕請謁之尊市鬻于群縣之重日  
不暇給聲轉相蒙上亡賞鑒則激勸不

精下冥欣和則質文焉守使好事詭其  
轡啣知音襲以譙讓墨道之惡于斯為  
苦嘗試原本精神覈研體性于色為黑  
位居北方于行為土數屬中央土生火  
故祝融胎其焰北旺水故玄冥蒸其光  
柱下有守黑之史河間有尚玄之相故  
吐故棄穢洗吏道之不點納新埋照含

天象之大章非勞謙三讓不足以合其  
德非沉寤儼默不足以含其明非恬淡  
冥營不足以純其質非端方正直不足  
以居其常非精心敏中不足以密其緻  
非知希我貴不足以恒其歲故緝柳編  
蒲則文人矢漬槻之志食麻栖雪則溜  
士誓斲髓之行倬彼昭回非由涅槃于

皇懸象豈屬補推故昭質未虧不須金  
采而大本乃立何必蛤蚌飲沆吸薤蟬  
脫青霄則豨膏行厠牛飲上流食霞結  
虹擘麟脯鳳則麋膠清尚嘴角標竒荀  
全體中婕妤浴處瑤英肌生翬風口噴  
則腦臍著異當風揚芬被褐懷王食藿  
鄙肉冠劍塗人輕肥充目則黃金翡翠

不舍靈龜按圖服箱畫貌專房不如當  
御美女飛黃則臺榭篆籀興寄亡羊甘  
苦有數疾徐有方不傳父子自中宮商  
則投杵和烟神在象先雙鉤箸脰連城  
動容牙生輟絃子野更鑄拊心納肝殉  
知感遇則技彈良工投必明主故行其  
道則雖網珊瑚于海底泣珠淚於瑤筐

木難填卷瑟瑟委衢龍光印璽彪炳縑  
紉羶動人主富鈞敵國而功能卒當不  
行其道則雖殉一寒士之知充一墨客  
之用而不乏揆天之才享有長世之譽  
盖日精月華奎婁斯賁天明地德魚鳥  
自形豈可令富室星爛宴儒磨糲貴遊  
踐麝寒士塗堊文昌湮鬱而不章東壁

掩滅而無光哉予友幼博程君小隱鴻  
臚大乘墨鄉臚其賈事苑為國能觀其  
染草搜烟則首山採銅之鑄嶰谷截竹  
之比和膠拈杵則瑤池八駿之御雲門  
大英之調革號即真則純冕代麻之儉  
馳驅我範之貞破麇廉直則文布火牛  
之勇挂冠弗取之勤必將粉米天章藻



火王度鴻海瀝液勒大明一代之書班  
管淋漓刊今上三朝之典巧乎有道偉  
矣宏歟若夫石渠金馬之彥天祿蘭臺  
之賢邦伯庶尹之師輜軒斧繡之使隸  
奇草聖墨瀦豪精虛心味道詘體通玄  
服濃淡虛實之訓辨松桐膠漆之真溜  
澠不爽馬布織分韋誕一點如漆由來

三國元臣張永萬乘嗟珍亦見六朝貴  
近是以顯榜則鬚髮盡白表啟則乘輿  
執翫蓋理事通融道器兼摠心生變化  
德合神明是曰哲人豈稱時匠而或因  
工為慙懼儒之累則踞鍛何損於叔夜  
蠟履不廢於伯倫踵項雖殘無勞化絲  
之泣喉舌累踐試觀若綬之藏而乃陶

雅奢取於奚超柳權更制於諸葛則德  
之休明肅慎貢其楛矢質之亡偶匠石  
廢其引斤故取與為寶而美惡在原嗟  
乎懸室耽龜馬之精啜潘等身命之重  
故子罕有玉而展禽有國會非苟飯孰  
審薪勞解不符嘗誰明鷄宿子也懷丹  
作吏生張華望氣之鄉荷華為郎宦昭

明集選之地分校青黃為人畫女兒眉  
嫵上計黑白自公覲天子明先隄廢虛  
想龍餅初沾敢映斗星庶辭升水因臚  
自苑厥賦維程其辭曰

偉太陰之挺質符真詰乎晦明效奎星  
之屈曲達河洛之勾萌惟五色之宣炫  
獨黑章乎崢嶸夫其陰体陽用聚約散

弘皇頡顙紐帝義圭翊龜食兆順繩引  
削平摩頂放踵收熱藏聲去薄居厚深  
情顯名瀚海霧淖幽都雲蒸純漆比色  
黑玉敵勅烟真草細杵到膠清翰啄黥  
澤硯腹冷泓我黍油油非烟晶晶不膠  
不暈顯于天京作庫鎮寶為王蒼珩綸  
音衮錫天語親鄉明光宮殿袍笏重擎

池鳴和鳳海掣巨鯨東井燦爛北斗光  
榮不顯文昌翼我



聖皇多士濟濟受計明堂侯封即墨世  
食玄鄉宜乎弇州紫瀾駕天風而遠馭  
濟南白雪乘陽律以迴翔飄飄淩雲之  
氣含之以蒸澤翩翩吐鳳之舌唾之以  
凝霜豈徒會稽守子注周易而王女出

地佛馱跋陀譯華嚴而青童護堂必將  
詔般僂斤古松於西域命燧皇燭火龍  
於華陽葛洪貨苗于遼海張蹇采蘓于  
胡商侯以通天狐之視擣以杵月兔之  
方入水不滓著雨無傷千金不換一滴  
灑灑于是味玄先生聞而嘆曰桓溫妾  
髮鑑人黑光凝脂點漆杜弘治良睛矐

華鬢一陰一陽鴻臚臚墨墨程程郎墨  
兮湯湯誰為鍾王

萬曆甲辰陬月

豫章羅憲凱元甫撰



閔純禮書





試墨贈程君房有序

余探觚時即聞鄣有方子魯  
雅為司馬公所推轂家後得  
程君房名俱藉、藝苑間乙  
未之臘與表弟楊宗卿旅食  
歙州一日譚及墨品遂各踣

蹇驢走巖鎮市中縱觀二氏  
所為墨及接君房議論意氣  
且翻々欲下乃知五陵俠客與  
里兒自別又何論墨也歸綴  
俚語以見意云

函三室兮崑之陽然九華兮丹

燄長金燭兮照闔閭  
喻沆瀣兮塞遐荒  
控輶輶兮飛紫霜  
佩蒼精兮來帝鄉  
食即墨兮戾身有鄉  
錯參辰兮攢文昌  
倬雲漢兮迴天章  
窮地紀兮切難量  
代繩漆兮殫南唐  
鍊靈液兮程

君房嘿太亨兮潛幽光文之式  
予璫之良播海寓兮銘旂常傳  
隕靡兮何洋、

閩漳盧應鎡

墨偈書序

君方氏妙解墨宗三昧能取一滴之  
墨如雨頭數周徧詞林自來名者詞  
林之高標極許不為不備而余亦竊  
於一之謬盟斯道今座上有禪力者請  
以白話談墨子欣然善之臨池作偈

即色即空相 依空成色  
即空即真實 不可終磨滅  
大塊墨汁凝 昧者勤分別  
牟尼光等照 若々天一色

郢中吳文企書於

白門寓廬



墨紀

余於筆研親者數十年所中間與墨  
相磨毋計挺易余則愧於尚玄楊氏  
墨甚無稱於陳玄君意謂墨技無良  
嚮所得而藏者庶幾絕實一得之故  
家所藏舊市一得之羅龍文所製一

得之姻氏齊河尹大將軍所遺一得  
之都下故族數者各各所隄墨族備  
載特得都下者較勝署祀辛亥政與  
有生齋年余方寶之擬他日作河間  
壙中殉物會

詔起尹大將軍復鎮保定善余好墨



郵寄署妙品者二函、八易署重玄者  
八易初焉、目色澤無異時、三磨而  
拭之、勃然五色雲起、鳳池之上、堅而  
能潤、黝而奇光、余求所謂、砥華不膠  
入帑、不羣、今始見之、較之方于魯、寥  
天一、非烟、不翅、倍蓰、直與所藏、幸矣

製者雁行若羅氏徒重珍縻而盾且  
退三舍署祀名歲知作者為新安程  
氏君房余不知君房為何人即其  
造物入神足稱絕技及按品列二種  
尚居下乘不知上此而寥天一非烟  
宜當何似方憾索無所自幾、屬望於

南之知交亡何鄉人韓中丞惺菴公  
從東遼巡撫歸過余之來禽館見案  
頭珍重妙品及所書墨族雅指寥天  
一非烟二笏惠余戒勿輕試余曰嘻  
孔周宵練見影而不見光此之謂耶  
押而不試徒將磨人旋洗端研泣水

洵滴斌磨一錢紫烟上浮神王氣清  
晰光射目其視重玄妙品迥出天淵  
亟陶藏之不亞清氏之珠和氏之璧  
宵練宜下風矣問其所從曰得之程  
鴻臚大約者君房乃其別名予素耳  
其為人于名公謂其探玄好玩即今

名實相副誠可稱墨家董狐古人藏  
墨貯以豹皮囊極其慎重徐常侍尤  
善賞鑒潘谷漏囊而神會之石昌言  
懸室不磨呂行甫書餘啜濡皆稱絕  
嗜毋愧尚玄蘇長公購數十百家用  
錦囊盛貯凡螺凡丸凡餅一標題懸

不忍試久之笑曰人固磨墨墨且磨  
我前人善墨奈何手澤無存藉識者  
紀之尤未盡泯是藏者與作者兩不  
朽也余不能善藏以圖不朽恐今世  
寶而無傳不知磨我之餘子將奚適  
顧他日為尤物尚知今所從來因題

紀以當錦囊存以磨後之好者  
萬曆癸巳長至日濟南邢侗紀事

榮陽鄭瑛書



墨辯

墨所貴者黜澤已爾方圜脩楮之  
詭製詞章藻績之異飾法之所無  
用者於黜澤奚當焉脩家銜玉賈  
石日取款識紛更之既又傳求鴻鉅



評賞虛高價直以燭亂觀聽是鳳  
翰而鵬質也將誰欺乎茲余鳩工自  
點紅草揜煙倣古和劑監製諸墨  
視偽家昂價裁損什四五而墨質  
則遠過之諸形模並仍其舊將使

參玉於珉真偽易辯耳諸自定  
製者曰太樸無名居其實不居其  
華故玄彼取此萬曆庚寅九月  
還樸齋主人題

南鄭劉然書

墨說

余手搯鵝酷有鞠通之嗜居恒臆語點如漆  
畫娛尔妍點如煤畫妍尔娛故毋論龍文雙  
脊貢供堂等古藏不惜重購即近代諸名家  
咸品其尤者囊收焉時雨中醉中無聊中輒  
向窠墨齋頭呼童列古研十餘輩具水注囊  
脫試之色澤某上某次通次而減不使襍處  
因得上品者二十餘家製不一質無二猶有

注之不糜磨之無烟無名識可考或其石墨  
歟賞鑑珍襲間取酒籌歌兒一曲一觴一觴  
一玩自謂獨得其趣者乙酉秋見于魯方氏  
製文鏤星斗模飾琮珪較之古質如積珠襲  
石不可以欺周客予乃嘆曰古墨其虎豹之  
韞乎方墨其羊質而虎皮者乎用之寧取質  
耳欲彌全寶湏文質彬彬哉甲午夏秣陵見  
諸博雅齋頭款識大是精絕研之烟浮香發

堅而潤黝而光真二兩之烟一點之漆可以  
書王遠噴班孟者徐驗之皆君房製也較昔  
所藏一切丸泥耳嘗恨未得納足玄圃盡觀  
程君寶藏辛丑過墨室得諸種種奇品携歸  
齋頭塊然一斗星宿山川人物鳥獸珠玉宮  
室花木草虫形形色色悉具阿堵中快矣快  
矣然程君墨銘雖暗含品級如玄元寥天非  
烟重玄國香神妙等稱皆切名相泥者局于

見者執其下曰程君墨名海內校止此乎一班盡豹一鬻輕鼎世未嘗無其人安得松滋侯寄聲程君徑署程某第一墨第二墨第三墨以下倣此由是傳布海內外得其下者曰程君下墨如此上可知矣因紀其說

六六峰主人洪士英女舍甫



吳嘉書

墨德頌

有子墨客卿陳玄以石鄉侯為家督上池小史為能  
幹中書君毛穎為佐使楮知白先生為錄判政遠結  
繩書契爰直解歌烏、守黑默、情濃膠漆之固交  
授杵臼之側家世五松品格九棘功起涇緇譽騰即  
墨述先貽後玄圭褒德磨頂放踵焉靳其力有太素  
公子堅白處士覩玄側理議論騰起點黜凡流黜黜  
亡比動輒汙人不能潔已媚全突黔面目黎傀死灰  
寧然凌煙詎企但貽譏於皂卿庸無慙於明試客卿

于是墨守悶、鮮嘲夫夫蘸石染翰照楷垂模冥、  
昭、道與之符堅白雌黃丹鉛精麤胥府於墨而成  
書若圖燦若經緯之灼雲漢較若流峙之列方隅闡  
玄黃於宇宙傳今古於須臾疇云物小稱大冶於洪  
爐二豪退處焉知尚白之為玄奴

吳守和伯羹父撰

程先機玄宰父書



還櫟齋墨評有序

余聞程幼博久而未盡其奇今游  
至新都從張將軍兄弟悉試其所  
治墨種、精絕令人心折謂技至  
此乎已而丁南羽更津、其所造  
墨法直是前無古人矣但執苑功  
臣也嘗攷古而得一二嗜墨者因

拈出以貽幼博厚而質之賞鑒之  
家當亦不大相左。

司馬君實宅無嗜好獨嗜墨蓄至百觔  
蘇長公錦囊所貯不下數十百家第非  
遠取韋誕奚超近亦稍類幼博庶不失  
西事真諦不爾即累。新囊終是似舊  
未見太宗枉了半生勞頓

景煥造墨甚精印文曰香璧篆其陰曰  
副墨子僅造五十團曰此可以終身矣  
余試墨如幼博古堅膩潤滑多不翅五  
十團則幼博自足千穩矣何患子期未  
至

李瑩丘惜墨如金唐高宗用墨鎮庫金  
章宗購徽宗御製墨一兩價黃金一斤

欲倣不能嘆謂墨收皆可謂珍愛極矣  
然彼聖孤何足尚此多博游心此道大  
費鏤鑪庶幾受薪供養可以無愧  
秀州包衡書于留美館時  
壬寅秋楨日也



程君房墨評

夫墨之為德體黝而用澤黝以為質而澤其文也黝而弗澤則徒質澤而弗黝則空文要難以語墨之純德矣在昔仲將一點如漆其彬、者乎後此如奚如潘率用墨德之純以鳴於時而流於後蓋深於法而不詭乎法匪直以

藻飾為工也輓近世尚藻飾矣拙工  
闇於法偽者法而詭黝且烏有何論其  
澤徒藻飾以眩人魚目砒砒比肆而售  
是墨德之賊也程幼博氏取古之法神  
而化之黝而且澤質有其文體用備而  
墨德純不計費不惜工不貳價以故竊  
擅文壇而聲流華裔彼拙工無論偽

者見之有汗赤而遁耳予性好古尤喜  
臨池頗有懸墨湍堂之癖每得程君  
奇製輒用寶藏因書此以志之幼博  
名大約君房其別字云

閩中趙世顯仁甫譔并書



墨苑跋

余耳君房名久矣第余足跡不越百里  
不能走黃山白岳以攬山川人物之盛  
故即數相知亦付之雲鴻江鯉之外而  
已乃一日忽君房惠然來顧草堂喜不  
自勝坐久君房談娓娓有致亦多世外  
語大都黜拘檢放形骸游方之外而不



掛俗子儉夫於齒牙頰頰也者其異人  
哉其異人哉而不佞固已前知有所撰  
墨苑矣第未見耳于是請而出諸囊中  
披閱再三則天章煥發人文蔥鬱禹鼎  
所鑄牛渚所匿畢呈顯露噫彼區、獵  
異好奇者皆君房之土苴也方且自詫  
其得罔象所收驪龍所藏不亦謬哉蓋

歟墨名重寓內大率金標其轄土陷其  
中滯筆黏紙頗為臨池之害君房所製  
則不然煙草膠液必精必良擣杵和合  
益虔益慎故龍文外昭珠涎內溢飛玄  
霜於蠶繭吐紫霧於狼毫上追廷珪不  
數郭玘固必傳之寶也卷中饒海內名  
卿才士不遠千里競為賦咏題贈不佞

自顧非其人乃輒敢泚筆續貂僭附末  
簡抑何厚幸哉君房必有以教我矣  
萬曆癸卯小春吳郡錢允治題

雁門文震孟書



古人論墨書記

書墨

余蓄墨數百挺暇日輒出品試之終無黑者其間不過一二可人意以此知世間佳物自是難得奈欲其白墨欲其黑方求黑時嫌漆白方求白時嫌雪黑自是人不會事也

書徂徠煤墨

徂徠珠子煤自然有龍麝氣以水調勻一刀圭服能已高氣除痰飲專用此一味阿膠和之擣數萬杵即

為鈔墨不俟餘法也陳公弼在汶上作此墨謂之黑龍髓後人盜用其名非也

書清悟墨

川僧清悟遇異人傳墨法新有名江淮間人未甚貴之予與王文甫各得十九用海東羅文表光帝作此大字数帝堅韌異常可傳五六百年意使清悟託此以不朽也

書張遇潘谷墨寄王禹錫

麝香張遇墨兩丸或自內廷得之以見遺藏之久矣

今以奉寄制作精至非常墨所能髣髴請珎之請珎  
之又大小八九此潘谷與一貴人造者谷既死不可  
復得宜寶秘也

書龐安時見遺庭珪墨

吾蓄墨多矣其間數丸云是庭珪造雖形色異衆然  
歲久墨之乳真者多沾疑而未決也有人蓄此墨再  
世矣不幸遇重病醫者龐安時愈之不敢取一錢獨  
求此墨已而轉遺予求書數幅而已安時新以人術  
學造妙而有賢行大類蜀人算驥善療奇疾字安常

知古今刪錄張仲景已後傷寒論極精審其療傷寒  
蓋萬全者也

書呂行甫墨顛

呂希彥行甫相門子行義有過人者不幸短命死矣  
平生藏墨士夫大戲之為墨顛功甫亦與之善出其  
所遺墨作此數字

書李公擇墨藏

李公擇見墨輒奪相如間抄取殆遍近有人從渠許  
來云懸墨滿室此亦通人之一藏也余嘗有詩云非

人磨墨、磨人此語殆可凜然云

書李憲臣藏墨

余為鳬繹額先生作集引其子復長道以李廷珪墨見遺形制絕類此墨以金塗龍及銘云李憲臣新蓄賜墨也此墨寡久而黑如此殆是真耶

書石昌言愛墨

石昌言蓄珪墨不許人磨或戲之云子不磨墨、當磨子今昌言墓木拱矣而墨故無恙可以為好事者之戒



書沈存中石墨

陸士衡與士龍書云登銅雀臺得曹公所藏石墨數  
甕今分寄一螺大業拾遺記宮人以絨綠畫眉六石  
墨之類也近世無復此物沈存中帥鄆延以石燭烟  
作墨堅重而黑在松烟之上曹公所藏豈此物也耶  
書所造油烟墨

凡烟皆黑何獨油烟為墨則白蓋松烟取遠油烟取  
近故為煙所灼而白耳予近取油烟未積更掃以為  
墨皆黑殆過於松煤但調不得法不為佳墨然非煙

之罪也

書別造高麗墨

余得高麗墨碑之雜以潘谷墨以清悟和墨法創之  
為握子殊可用故知天下無棄物也在處之如何爾  
和墨惟膠當乃佳膠當而不失清和乃為難耳清悟  
墨膠水寒之可切作水精贈也

書馮當世墨

馮當世在西府使潘谷作墨銘云樞庭東閣此墨是  
也阮孚云一生當着幾兩錢僕云不知當用幾丸墨

人常惜墨不磨終當為墨所磨

書懷民所遺墨

世人論墨多貴其黑而不取其光，而不黑固為矣。  
物若黑而不光索然無神采亦復無用要使其光清  
而不浮湛，如小兒目精乃為佳也。懷民遺僕二枚  
其陽云清烟煤法墨其陰云道卿既黑而光殆如前  
所云者書以報之

書求墨

阮生云未知一生當着幾緡屐吾有佳墨七十九而

猶求取不已不近愚耶

書雪堂義墨

元佑二年十二月二十一日駙馬都尉王晉卿致墨  
三十六九凡十條品雜研之作數十字以觀其色之  
深淺若果佳當擣合為一品亦當為佳墨予昔在黃  
州隣近四五郡皆送酒予合置一器中謂之雪堂義  
罇今又當為雪堂義墨耶

書北虜墨

雲庵有墨銘曰陽崇鎮造云是北虜墨陸子履奉使

得之者

書廷珪墨

昨日有人出墨數寸僕望見知其為廷珪也凡物莫不然不知者如烏之雌雄其知之者如烏鵲也

書茶墨相反

茶欲其白常患其黑墨則反是然墨磨隔宿則色暗茶碾過日則香減頗相似也茶以新為貴墨以古為佳又相反矣茶可於口墨可於目蔡君謨老病不能飲則烹而玩之呂行甫好藏墨而不能書則時磨而

小啜之此又可以將來者之一笑也

書柳氏試墨

昨日有人點第一網龍團香味十倍常茶如使諸葛  
鼠須華金蘭子入手不似有鋒刃惟有此物似之元  
祐八年三月十八日過柳仲遠試墨書此墨云文  
公檜鼉鵬不知其所謂也

書李承晏墨

近時士大夫多造墨工亦盡其技然皆不逮張李  
古劑獨二谷乳真蓋亦竊取其形製而已吳子野出

此墨云是孫準所遺李承晏真物也當以色考之仍以數品比較乃定真偽耳紹聖丙子十二月二十一日書

書潘谷墨

賣墨者潘谷余不識其人然聞其所為非市井人也墨既精鈔而價不二士或不持錢求墨不計多少與之此豈徒然者哉余嘗與詩云一朝八海尋李白空看人間畫墨仙一日忽取欠墨錢券焚之飲酒三日發狂浪走遂赴井死人下視之蓋跌坐井中手尚持

數珠也見張元明言如此

書裴言墨

潘谷鄧玉裴言皆墨工其精粗次第如此：裴言墨也。比常墨差勝云。是與曹王製者當由物料精好故耶。

書王右佐所蓄墨

右佐所蓄新羅墨甚黑而不光。當以潘谷墨和之。乃為佳。絕今時士大夫多貴蘓浩然本用高麗煤雜速烟作之。高麗墨若獨使如研土炭耳。



書潘衡墨

金華潘衡初來儋耳起竈作墨得煙甚豐而墨不甚  
精予教其作速突寬竈得烟幾減半而墨乃爾其印  
文曰海南松煤東坡法墨皆精者也常當防墨工盜  
用印使得墨者疑耳此墨出灰池中未五日而色已  
如此日久膠定當不減李廷珪張遇也元符二年四  
月十七日

書海南墨

此墨吾在海南親作其墨與廷珪不相下海南多松

松多故煤富煤富故有擇也

書孫叔靜常和墨

孫叔靜用劍脊墨極精妙其文曰太室常和常和蓋少室間通人也賣墨收其贏以起三清殿墨甚堅而黑近歲善墨唯朱覲及此耳覲九華人

太室常和其墨精緻極善用膠余嘗就和得數餅銘曰紫霄峰造者歲久磨處真可截紙子遇不為五百年後名而減膠售俗如江南徐熙作落墨花而子崇嗣取悅俗眼而作沒骨花敗其家法也

試墨

世人言竹帝可試墨誤矣當於不冝帝上竹帝蓋冝  
墨若池歛精白玉板乃真可試墨若於此帝上黑無  
所不黑矣褪墨石研上研精白玉板上書凡墨皆敗  
矣

試東野暉墨

世言蜀中冷金箋最冝為墨非也惟此帝難為墨嘗  
以此組試墨惟李廷珪乃黑此墨究人東野暉所製  
每枚必十千信亦非凡墨之比也

記李公擇惠墨

李公擇惠此墨半丸其印文云張力則宣墨匠姓名  
耶云得之高惡使者其墨鮮光而淨豈減李廷珪父  
子乎試復觀之勸君不好書而自論墨拳：如此乃  
知此病吾輩同之可以一笑

記李方叔惠墨

李方叔遺墨二十八丸皆麝香氣襲人云是元存道  
魯倅陰平得麝數十臍皆盡之於墨雖近歲貴人造  
墨亦未有用爾許麝也

記奪魯直墨

黃魯直學吾書輒以書名於時好事者爭以精奪鈔墨求之常携古錦囊滿中皆是物也一日見過探之得承晏墨半挺魯直甚惜之曰羣兒賤家雞嗜野鷲遂奪之此墨是也元祐四年三月四日

記溫公論茶墨

司馬溫公嘗曰茶與墨政相反茶欲白墨欲黑茶欲重墨欲輕茶欲新墨欲陳予曰二物之質誠然亦亦有同者公曰謂何予曰奇茶鈔墨皆香是其德同也

皆堅是其操同也譬如賢人君子妍醜黔皙之不同其德操韞藏實無以異公笑以為是

元祐五年十月二十六日醕老全翁元之數夫子瞻同游南屏寺僧譙出奇茗如玉雪適會三衢蔡熙之子瑄出所造墨黑如漆墨欲其黑茶欲其白物轉顛倒未知孰是大衆一笑而去

記梅南作墨

己卯臘月二十三日墨竈火發幾焚屋救滅遂罷作墨得佳墨大小五百九八漆者幾百九是以了一世

仍以遺人所不知者何人也餘松明一車仍以照夜  
二十八日三鼓作此歌

以上東坡外集

近世人士游戲翰墨因其資地高韻創意出奇如晉  
韋仲將宋張永所製者故自不少然不啻手製加減  
指授善工而為之耳如東坡先生在儋耳今潘衡所  
造銘曰海南松煤東坡法墨者是也其法或云每笏  
用金花胭脂數餅故黑色豔發勝用丹砂也

余嘗於韋序臣家見一墨背列李承晏李惟益張谷  
潘谷四人名氏序臣云是王量提學所製患無佳墨

取四家斷碑者再和膠成之自謂絕勝此其見遺者  
曰謂序臣曰此亦好奇之過也

余聞之製墨之鈔正在和膠今之造佳墨者非不擇  
精烟而不能佳絕者膠法謬也如不善為文而取五  
經之語以己意合而成章望其高古終不能佳也

余為兒時於彭門寇鈞國家見其先世所藏李廷珪  
潘谷十三家墨斷珪殘鏤繁然滿目其廷珪小挺歲  
久不見膠彩而書於帛間視之其黑皆非餘墨所及  
東坡先生臨郡日取試之為書杜詩十三篇各於篇



下書墨工姓名曰第其品次云

以上春渚紀聞

晁無咎作廷珪墨歌

君不見江南星官有諸奚老超尚不如廷珪後來承  
晏頗秀出喧然父子名相齊百年相傳紋破碎髣髴  
尚見蛟龍背電光燭天星斗昏而痕倒海風雷晦却  
憶當年清暑殿黃門侍立才人見銀鈎灑落桃花牋  
牙床摩拭紅絲研同時書畫三萬軸二徐小篆徐熙  
竹御題四絕海內傳祕府豪芒惜如玉君不見建隆  
天子開國初曹公受詔行埽除王侯舊物人今得更

寫西天貝葉書

李太白酬張司馬贈墨

上黨碧松烟夷陵丹砂末蘭麝凝珎墨精光乃堪掇  
黃頭奴子雙鴉鬟錦囊養之懷袖間今日贈余蘭亭  
去興來灑筆會稽山

東坡謝宋漢傑送李承晏墨

老松燒盡結輕花妙法來從北李家翠色冷光何所  
似牆東鬢髮墮寒鴉

李廷珪藏墨訣云

贈尔烏玉硯泉清硯須潔避暑懸葛囊臨風度梅月  
鄙意烏玉硯便是一雀款背書此四語本色妙語  
也前二詩書墨背皆妙遠勝今人也

朱萬初墨

虞文靖又稱朱萬初之墨沉著而無田蹟輕清而有  
餘潤其品在鄣杞父子間

古製墨法

古墨法云烟細膠新拌熟蒸勻色不染手光可射人  
造墨惟膠為難古之妙工皆自製膠：法取新鮮牛

革及勛全用之牛革取其厚處連膚及毛皆割不用  
入治成膠即以和烟若冷定重化則已非新矣今之  
膠材皆牛革之棄餘故雖號廣膠去古膠法犹遠無  
恠乎墨品之下也徽墨今名第一者上比潘谷蔡瑄  
中間犹容十許人况李廷珪乎

名公書啟

大司成玄圃蕭公書

八行勤重愴對芝容疇昔之歲星聚都門雅韻照人  
清言絕俗一別春明幾更寒暑矣之下厓景埋照沉  
浸乎繡帟雕龍之業仁風在握獎借逾涯杞讀園中  
草綵毫之工與隄靡並美程先生詞人也奈何若函  
開老氏僅守其黑焉我要以知玄知默惟道之宅矣  
旌華所欲消其硯礪逸於墨志在斯乎蓋深遠矣足  
下風誼甚高才情庾亮諸君子迭相唱酬繁若雲錦

胡侯謫之者之續貂爲將無類蟠虫指爪而甘之不  
佞所未解也帝恕赦將負重享懼且灾木又二豎見  
侵筆札之事久矣離索侯病少閒當於獻歲圖之便  
當附在荆巖兄以奏記室之下勿督過遲之希惟涵  
鑒不盡

又

足下才情風標即遵養時晦名無胥而走九域願安  
得縮地千里式春來惡藻逸懷當與墨池烟霧並發  
仁風見惠若朝霞可餐時一披拂芝容在望計旦夕

攬白嶽之雲飲武谿之水安得復有人間肺腸即欲  
以墨氏掩而五采之毫照暎龍尾其翩々佳致誰能  
掩之僕善病不堪雕蟲社門三月七箸日減每見佳  
刻詞彥續紛綦組陸離以相標美不勝健羨然珠玉  
在前覺我形穢又萬冗叢集入直之勞幾同汗馬  
東朝出閣造々聞雞東髮秉燭趨帷日高春榮馬還  
邸頽然一榻不復知毛生安在矣坐是久祗裁荅草  
草一二語塵忝滋多足下倘有嗜痂癖或采而存之  
不然者俟少暇當以續貂或不厭其遲々為幸耳惟

不賜譙呵足切至愛

太史濟園焦公書

兩辱垂顧十年契濶之懷藉以少慰乃匆匆別去不能奉板款叙至今耿耿歲裡以敝府公志事相敦迫未及尋便寄上拙艸至遠塵使者又增悚仄矣序亦草：塞命殊不足觀幸吾丈大加政削為望讀隣初長歌甚佳亦欲擬作一首奉贈而目前無少暇容徐面之耳佳稿伏讀殊為神爽近日作者雖多類皆餽飣摹擬略無明目張膽之氣如偽造骨董刻畫徒工



絕無古色如吾丈言々茲抒心曲凡所憂悲憤激盡  
底翻掀足使志士快心懦夫增氣真近日所未嘗有  
也二冊且留此一看稍從容奉璧風便荒裁奉覆希  
以時自愛不盡

選部澹生王公書

每見邢子愿侍御揮灑煥若神明以為佳墨實助之  
今乃知程幼博先生力也惜不肖非其人橫叨尊施  
貯之錦囊又恐見磨安能一噴成字如班孟裁卻有  
一語為門下助兵貴精而不貴多惟墨亦然善自珍

秘而已又見英、俠氣見於毫楮之間惟恐此生不  
得相當明歲深秋或能躡屐遊白薇過高齋玩弄寶  
墨也門下其許我否

又

門下高才負氣為深文所中而終能以上書自脫泥  
瀾尊集雖古之鄒陽今之盧耒無以踰之至於造墨  
之佳冠絕昭代未聞奚珪父子握筆染翰若此者公  
遂為千古一人矣所鼓既佳每以自娛雖至相知不  
敢出示恐其奪去然念門下所費不少為之宛轉不

安別具所謂以木桃報瓊玖至於扇頭大作燕珠屑  
玉遂為懷袖之珍亦欲少留使者奉答而苦於代庖  
思致不屬又不欲倩筆遂爾寐：索得同官董太初  
一墨贊此兄韻中人也每嘆賞佳墨以為真金不換  
耳冗次捉筆都不成語異一笑置之

太史思白董公書

日門下之過吳會也徒以訪不佞而不佞荷衣蕙帶  
煙波泛宅與鷁出沒隨風東西大都今夕之夕不知  
明復何詣而門下復求之於婁江於犢川於吳門練

影安得釣徒分身哉然千里命駕問我崔羅志氣  
之交雲天可薄新篇尺一寸情流義不佞之失門下  
悵悵累日豈惟地主闕如而已哉墨苑題若序不佞  
不敢後於諸公亦思發其憤悵而兒子受室百事倥  
偬翰墨徵索客嘗滿坐如案：短章以應促迫又非  
不佞所安也已物色門下西郊置書郵稍暇卻寄不  
佞有兩座師皆在新安未酹宿草明年二月必訪高  
齋報謝門下先此復不宣

諭德石簣陶公書

江干閒出獲識道範於不意間傾蓋之歡深慰夙昔  
明發遂兼程而行不能少待仙舫頗為恨耳比接來  
翰并惠新篇邂逅數語遂成一段佳事矣薄物附將  
遠意非敢曰投瓊之報也諸不一一

太史銘鎮沈公書

主臣無狀追憶十年未第前曾與足下會長安道中  
不佞始通籍無何而典客報罷矣爾來忽十年都  
無聞問獨時從長安市佳墨猶識君房字耳往歲客  
從南來偶言及足下近且速繫相為大駭異時典客

何狀坐使至此其自取耶其有人中之也今永遠訊  
知已輯出可喜可喜所註墨苑璀璨可觀然足下墨  
妙當在鑪錘間恐不心方負形質而已辱索鄙作媿  
非別花人聊述行體一章以塞千里之命也不盡

觀察使詔韋洪公書

僕神交足下有年而未及奉顏色頃過仙里造次中  
關焉伏謁可謂緣薄惟僕雅有隄廢之好賈兕見詔  
豹囊多藏跌石茲遇足下願得委心惟記室命之幸  
甚

侍御義陽彭公書

所刻墨苑甚善而序不足以稱之不揣作序寄覽倘  
以為是附刻可也刻完章寄二三本為老丈廣其傳  
佳墨可無贈乎聞近時贈人止一二笏亡論謝序當  
多况輩孫輩朋友輩親戚輩門生輩須多得方足分  
人嘆：生七月中行矣老丈果來當以月初送則無  
及也

歙部太初董公書

不佞對公車是時為房政陸沉金馬河北僑父新入

長安市事、西莽不能物色一歲星迄今憶之不當  
媿死乎而君房猶道及之弥佻君房是世間一片有  
心男兒矣論糜贅案、數語改不堪與諸名士補貂  
君房何至天球珎之譏曰愛魔成癖將無同耶君房  
塞上之行以秋為期此自男兒壯遊不佞不妨為倒  
屣但春來病委頓不支旦暮乞山恐君房入春明門  
不佞又長林豐草五鹿之墟矣奈何、墨苑精甚  
病歸山中無事當一、提筆為補其數不敢負也力  
疾草覆



庫部澄溪羅公書

冬杪春初長安吏增一番劇冗薄德之能又增一場  
大病第動中想靜憇肆熱途趨蔭然而岑寂中想知  
已嘆語之為快則亦不啻渴焦者欲就飲沐也門下  
手書至正不佞杜門之時啓函再誦齒頰皆生靈液  
何令人契慕若是墨苑出入搜羅遂成宇宙一掌奇  
觀剞刻畫精工之如鬼神方寸苦心無不巧美事茶  
經梅譜矐乎後矣蒙屬不佞續貂愧非作者僅以五  
章應命章郢政塞白可也不佞贅

太史霍林陽公書

往徒寶程氏隕廐耳從邱次倥偬中接見門下眉端  
有干將氣舌角霆轟君房氏自以俠絕托於墨以逸  
也邪寒夜分袂終今蘊思苑中多累：大家不佞最  
拙宜安其短而烏乎見長如復門下誘進不善自藏  
拙遂為全苑中露壑矣入春三越月患目幾廢蟬時  
晝夜抱火想中炭毒辱教之及勉拭洒就讀一過矐  
子為清然終以舐犢雨矐遂不能裁和章儻然藉茲  
不竟廢瞑寄荅當未晚也二扇書舊作併一稿附求

教言患目作字潦草惟亮在

太史鑑湖孫公書

夙聞門下高誼隱於玄默之鄉以逸名於紛華盛麗之境須覩墨苑新藁乃知凝神殫力積有年所矣佳墨亟以端石試之真奇品也雕開氏之裔頗能發精光以耀於文圃奈何昔人之不知用也門下創為之是擅千古矣敬謝特命者不一

黃門惺田梁公書

門下抗節雲霄適志泉石真達人之高標而昔賢之

逸致也伏諗笑傲餘閒以其不盡之雅寄之墨苑額  
精畢慮旁搜遠稽蓋已奪兩儀之巧竅苞三教之神  
奇可謂前無古人後無來者矣以眇眇情九奕者其  
於世用世寶可同日語哉去歲謬承遠命勉撫小什  
愧不能表章萬一且廁於玉林感門下采葑之誼  
蓋銘戢弗啻矣何當復損佳墨先後綢繆耶三肅登  
嘉謹此佈謝

衡部心澤胡公書

門下尚友墨卿樹此千秋之業且復廣示同好共垂

不朽不佞無能為役竊亦貪附青雲況申以敝友之  
約輒忘固陋遂成績貂門下不以覆瓿重貽木災安  
所藏拙以為非笑媿矣媿矣乃厘使命既之佳墨願  
不佞之於門下雖切臭味之投未有縞紵之獻即門  
下過聽敝友而辱收之某何以得此於門下哉懼孤  
盛美覲顏拜嘉使旋勒馬索書率爾布復未知所裁  
遙憶仙蹤徒懷耿々

太史隣初顧公書

伏承賜問迴環省覽具悉近況傳雲之思浣慰多矣

懸閑墨肆而垂埃知已餘瀋流汁輝暎千秋豈願聞  
奇於五都之市哉吾丈以此自居所謂有識者果不  
異人意也不佞於典述無能為役它日縱觀鴻苑摩  
娑豹囊中數九當可以敵易水之松烟矣使旋率爾  
布謝忽焉春暮握手未期延首南雲可勝懸遲

太史陽陞盛公書

伏讀墨苑佳刻牢籠物態漱滌藝場盡豹囊龍樣之  
形煥削木爛箱之色皆稱廬山易水名家詎能擅聲  
於前先製入之藉以永垂謝、不佞即才之數升腹

稿寧能忘玄香楮郡之贈擬就蕪言用旌龍劑第使  
者倚馬倥傯無暇容尋盟異日先此陳謝

北都允初姚公書

榆蔭借芬景高踪之日久矣往為脩郤者所達以致  
韓非怨靈鄒陽剖心然而演易傳書不足為大君子  
累北灰然韓孺蟬蛻賓王翳惟尺霧能如青天白日  
何墨苑一書衰然千古玄元靈氣尤前人巧思所未  
及恥以蕪言溷諸璵璠奈何々如命續貂章為掩  
拙何日得握手一談以罄豪況臨楮神遊

別駕晉峰趙公書

足下以靜默之思超玄之致爲子墨揚芳聲長光價  
俾奚潘不得擅美於前而後來者難爲之而此實藝  
苑之珍而不朽之業不佞雖心賞神怡喜譚樂道如  
鴻毛之言無足以揚盛美何春林欲暮抱痛幽棲忽  
拜手書兼之佳墨几案增重愉懌無已榻管卒謝未  
罄寸衷外附鄙刻就正騷壇

民部天迪林公書

昨從劉老丈綠玉山房獲覩足下墨苑不覺頓解製



得一歌寄齊頭吐：松滋侯見之當為吐烟雲三日  
晉安雅僻壤域乃武夷霍重雨洞天在焉是下邨能  
飛玉舄一翱翔乎當具荔枝三百顆啖之下

學愚愚谷鄒公書

自田間一觀心清揚便沾：御李入城誇示諸朋儕  
三天子都有快士程先生幸得奉半面勝封萬戶侯  
哉隨囑守門者倘玉舄見枉其亟報尋僕卧疴兩月  
盟檇久廢謝一切客適之下過我守門以囑故報蒼  
頭以病故辭而不知僕志寔不難於抱疴相待也回

呼健足追逐而仙帆南下雲而虛無矣僕生平不敢  
拒謁者何敢拒足下墨賦呈覽硃砂礫以廁珠璣  
得無形穢耶扇頭二詩妙絕薄有報瓊珥足博一啖  
耳前惠諸墨大非常品所謂金不換韋有使者寄三  
四挺毋謂僅得隴望蜀也

少冢宰相潭孫公書

見訪之明日不肖駕小舫走南津款謁且携一觴特  
以邀從容驩而莫可點也跡之北津又跡之山中泉  
上而卒莫可得而不肖乃張然歸耳惟公惠而好我

贈我以長律餉我以玄玉而又觀我以臣帙不肖既  
無所從跡公則取臣帙而勤繙之凡累日而公所為  
詩若文三慮數十百篇不可勝讀也又因得公蒙難  
出險狀長歸當哭灑血明心蓋其危哉語云詩能窮  
人又云窮而後工公殆是乎於是不肖業盡習公之  
寸情志氣若雅相結納者即異日跡之而得淋漓杯  
酒間亡以踰此矣使者迫欲去不及為一語答贈倉  
皇書兩近作扇頭聊以傳檠就評耳秋風送涼便堪  
棄擲矣不具陳

民部白雪吳公書

江城溽暑如醉政謝一切緣對楮生玄晏諸君粗有  
閑閑凝香之趣而靈鴻至發絨領誨快披墨苑肆采  
妍富繪事生動一圖一詠光影相照輒當置之帳中  
坐起周觀用以滌煩解愠不心供翫寓目耳俚語遂  
廁末簡珠玉在側覺我形穢呼兒滌新硯試研赤玉  
足使火齊無色珊瑚冰寶再拜冰紈之惠變炎蒸于  
閨闥起涼風於襟袖索秣眼邊俗物無足報瓊瑤塵  
記室者值上使去程甚緊造次空絨題謝相期秋風

演泠碩我石頭城畔杞辭悉心陳此弊濶不備後

廣文惺衷方公書

不佞碌；風塵每得君房所為墨試之何啻階和之  
重第謂墨當今鮮儻耳及讀園中草而從新都人概  
其疑後然後知足下調儻環奇有古賢豪節侯風蓋  
其奇託於墨鳴於詩墨與詩要不足以盡足下之奇  
萬一也豚子辱教愛有目碩不佞竊跡一種無從班  
荆而脩世雅迺區；鄉往夢到黃山幾度矣納履龍  
門謀之所夕尺素先申臨楮增結

太史維山王公書

昨辱遠顧殊慙風懷式過其旋竟不獲申投轄之敬  
以為悵然茲拜手書兼枉佳什瓊玖在把白雪難賡  
惟有奉揚仁風永矢勿緩而已不敏跼伏子舍已如  
窮鱗伏羽無復雲霄之期門下愛我歲寒共盟章無  
越墨池一步也家君適避客遠特并為告罪草：謝  
教不盡欲言

太史隣初顧公書

使者至再奉手尺兼損玄霜感勅之私何可言也披

閱墨苑無論考據精博結撰道典垂光苑圃環北蒼  
華即其摹刻之工擅名國手畫苑中亦當奉之為模  
範矣何而緗帙有此異書尚欲覓佳紙蹄求榻一本  
錦暉玉璫裝潢之為子孫世：永寶耳海內名公得  
觀是帙計無不欣然動色者更試玄香超冥軼李何  
論近代或使者迄命草爾布謝報李未能但有心象  
統希焰亮不盡述々

文學饒泉宋公書

久知新都有程先生不讀所為園中草幾以墨氏失

幼博矣海鄆之人耳目如三家市大都盡是抑豈屑  
長卿所云右軍頭筆以書畫自掩將人之不盡知  
程先生者亦以是故耶珎墨損既改為荒年之穀從  
此池水盡黑浩先生之賜也鄆人少喜學書至今未  
有長進家所藏率多舊墨然善品蓋少愛其色蒼然  
貌巍然亦自可把弄以終日也聞門下所製悉皆產  
妙絕倫何時得一微惠以充海壤使什襲藏之與網  
中珊瑚共發夜恠乎唯先生留意拙書一帙并錦笺  
一枝聊將遠意不以真物可也尚有乞一具之碧苔



牋半幅

司馬桐岡宋公書

巖穴陳人門下不佞時擯此豈老氏棄取之意乎抑  
魯東劉病之嗜也扇頭四作渾樸駘貫蒼然蔚然短  
歌轉折變幻直躋作者之壇把玩披拂時懷君子風  
矣墨苑宸頌及霞仰見門下識窮騁齒才探驪珠不  
然安能極法象之顯折玄渺之微而求海內名賢之  
筆如此其博且精也不佞自反鄙陋一旦廁諸賢之  
後能無形穢之愆乎願門下之命何敢以不文辭計

惟墨贊太極一圖及二氏之說管中似有所見勉爾  
數言錄求斤正語云注瓦或乃注金則昏斯之謂矣  
其河洛諸說并墨苑小序尚俟面問請教茲未敢呈  
也臨楮翹跂不次

黃門石林祝公書

別來如許春且暮矣何事又橫罹無妄之災亦名之  
以今亦等之虛舟飄瓦可也夫平生角氣急於自明  
常賈物忌末世末法非持三緘之戒不足以自度槐  
李無言下自成蹊況墨苑一出海內賢豪為之鳴者

不少矣何必更曉：哉小兒已歸玩墨當寄之不敢  
虛雅惠不佞九載考滿不日且北上伏承佳墨當携  
之以自隨以誇都人士之具隻眼者使命下辱正值  
拾行李務冗遲速草率謝不盡言

歎部太初董公書

曩為足下撰墨寶一則方規拙鄙無當大方碩荷鑒  
賞遠勤清既閱靈氣諸品知足下葉廷珪輩中人已  
讀扇頭四詩知足下進乎潘陸已又卒業園中草則  
又進乎靈均長卿恨不識足下眉宇面孔已解入林

今後惟有到處逢人說項斯耳力旋謹勅八行奉報  
試錄二冊請政諸悰項胥統俟嗣希不一

宗伯穀峰于公書

人林北來業叨翰教舍人再過復奉瑤章所賜陶縻  
活稱神品何以當之無恙足下遊心藝林窮極雅製  
僕不勝欣艷欲為作一傳或賦以附墨君之友心許  
久矣入春徂夏日為佗債所逼未得從容深淪吐所  
欲言使至以空質應負長者之托奈何昨鮑中素過  
此先為寄聲願做以旬月必有以報不敢虛也阿膠

三觔而自製者可煎和煙之料惟始入章、

又

中素行後暑月村居効毛穎羅文例作桐鄉世家一  
首為之下以桐易松故改松滋封耳通得產刻乃知  
翟道侯封已受焦公茅土因改為傳以避之遊戲之  
作聊備一體不足稱文也僕雅不工書命侍史代草  
托邢子愿公為書一幅當從彼中付使矣子愿嘗索  
阿膠云欲作墨如須此品僕當為是下供之小詩二  
章命兒書扇頭奉謝前盛使至汶上為稅使所阻聞

狀戲作一詩紀之已而墨至章未陸沉也然此詩既成須一呈覽亦有閑謠俗耳承惠佳劑愧無以塞甚感甚感病冗率爾不盡

太史蘭岫朱公書

耳夫邁俗嗜古之槩久矣時從子墨氏沾揮灑之餘潤以托賤姓名行於世敢忘明德耶僕久困青衿於古文辭詩歌一以時藝枯腸沒事豈可令大方如丈者見况以特起之製作貽自今以後之佳觀而俾蕪譚惡札錯出乎其間僕之願厚而丈之取善則誤矣

此僕欲不負巨源丈之舉而不可得欲不呈其醜而  
又不可得者長短共九章統希椽筆改竄命毫更錄  
以付梓人愛愛銘心尤所翹望於形骸之外者也請  
扇頭作什感愧益深慚短才不克卽步嚴韻以盡請  
正之私別書俚句侑緘以獻非所為報祢也手勑不  
虔統希心怡入木之刻告成乞得一螺作小楷不敢  
輕試亦不敢多求耳餘不次

侍御廬陽金公書

都門邂逅縈話千古豈不稱大快哉第此道主人無

能致款：方用為歎，乃故人不督其過，迄修之佳章。  
播之瑤頌，感曷可言。細觀門下，遇難而夷襟懷，洒落  
超然塵世之外。至於甘澹素忘，情景不殺，不害一念  
尤為脩慈航超彼岸真詮，不佞之大有快於門下，政  
在此也。時因惠臆，杜門索靜，不盡欲言，曷勝瞻切。

又

故人光賁，得慰渴思，快如也。緣以俗冗，空憊未及為  
促膝之談，甚且適館授冷，兩者俱廢。叩門下，不督過  
其如自訟。輒旦暮莫解何若，又承惠墨，仰希世之



孫曾不少新當十襲之以志明德外具不腆藉手達  
意餘容黔面悉并謝嘉句之錫

觀察東溟管公書

別後每念足下高義真足以薄雲天耳其以妙製擅  
名絕代也前月偶有荆溪之行失逆道駕失此一晤  
不勝悵快適得手札重以松溪不盡珍品而二扇佳  
什極仞相信相愛至忱即以詞賦論亦非目前諸名  
士所及也第當之不無愧容耳拙題置在篇首尤見  
謬推之雅感刻何言傳書者主迫回音草率希謝

海陽明府東山李公書

鄆山巨勝環溪如帶不佞曩入境時即知有石房為  
地靈增重也邇以公謁由秋浦道中會赤城君頗嘖  
嘖門下高雅不置口私竊趨慕之辱瑶翰遥賁知蚤  
頃枉顧為閤人阻蓋瑣役之無知可異也承賜新詩  
盥誦齒芬墨苑及佳墨二種俱領記室圖識清尚冗  
中草復併謝惟俯炤不備

諭德石簣陶公書

客歲湯太史致厚志職事填委愧未有以復也使者

至再蒙佳訊重枉瑶篇何義之隆而詞之令乎自惟  
先君子之有一日於新安也至於今四十餘稔矣士  
大夫不以遠而遺棄之視僕依々若其品季與夫朱  
藩皂蓋而臨民者何郡無守而先人獨得此於貴郡  
哉每感風謠之厚輒欲泣下以僕之羶鎖其文辭無  
足采錄在門下宜知之稔然猶拳々於使命者蓋先  
大夫之以也病餘久不為辭賦輒趁筆書雜語七章  
博一笑而已不足存諸篇牘肅函附謝不宣

應天

陳廣文景雲公書

客歲承翰教草々裁荅殊未藝鄙衷但擣櫟自甘敬  
秩寄迤白門蓬藿之廬真可羅雀門下乃陸惠好專  
使垂問重以珍賜感何可言玄元精刺庭珪以來殆  
無其正當什襲為世々寶至於諸品種々臻妙知門  
下以玄理發生之霞矣讀尊集如禁鼎臠無滄黔霞  
備極芳潤令人翩々欲僂而墨苑網羅今古群言之  
圃真曠代偉觀不佞以蕪陋之辭何敢廁其間或使  
旋敬此附布謝私芟々之具少伸微忱統惟鑒存臨  
楮冒勝嚮往

太守天池巖公書

邇來間甯時以佳研泓日得君房墨真為益友瞿先生墨寶留此久矣茲附上是其親筆遂刻諸苑中也冗次不備

參軍衡岳丁公書

自昔曰巨源一奉書足下乃不佞屏跡自放棄無由再具尺一為候起居不佞之疎為甚足下抱千古之奇立不朽之業墨苑一書足垂後來披之種々色有倫有章自今謂墨苑重足下異代謂足下重墨苑即

妙製玄元大是神物儻謂是下主墨之極非邪廟頭  
大作雅然晉魏讀之令人笑不自得假令晉魏人當  
之猶然懷然也不謂黃山白岳中乃有此人歛成報  
章匆卒不得且四詩大占境敵終不能報也南兵諸  
墨亦所敢承謹肅使者再拜稽首而謝

貴池赤城羅公書

頃車騎辱臨下邑蕭條無以御客門下不暫過之為  
幸迺復承手教遠頒惠及豚犬布之几席瑰瑋縱橫  
何必海窟珊瑚山中琪樹即此墨中百品而張茂先

不勝載矣敢代為兒子稱謝墨斛二首已為書就不  
識可當墨苑之一噉否且臨池之技尤非所長惟門  
下覽察而去取之不一

望江玉沙表公書

欽挹大雅懸諸十年友不肖固陋久采翰墨皆不足  
當作者後塵而門下著述之餘殫精于墨凝神進道  
非復人巧海內名公騷客所鑒賞歌咏久盈湘帙富  
矣大矣門下何所取林而賜之書札欲徵其家第可  
訝也友不肖固陋而欽挹大雅懸諸十年一朝得以

薪菲下體托青雲致不朽是為幸已辱加之雅遺則  
愈過矣披閱圖刻觸目琳琅迴環玄鄉滿几圭鏤友  
何人暴富至此乎古之英雄絕世未常不欣於知己  
故玄德三分之傑一遇文舉喜見眉宇即門下推及  
不肖附人林兄之誼非知而愛我必不以不朽相為  
不肖之感深矣不揣敢為門下作一後序并下數贊  
語以申之：倉卒未即塵埃使者有程又不可竊也  
俟成篇專力候致別具不堪李報統乞慈炤天寒為  
斯文自玉



無為州使君懷野任公書

門下聲華藉甚贈炙燕都士林之口不佞嚮往久矣  
辱來諭乃知舍親黃慎老得廁莫逆交不佞蓋借光  
焉而瑤函詩筆得覘大雅一班讀之令人歛衽脉脉  
神遊蓋公之舍矣羨之遽使旋值冗迫中姑草率附  
謝不腆何足報瓊聊當一芹之獻耳餘悰尚容專致  
臨穎不禁磨馳

太湖桐栢顧公書

曩不佞齋貺購墨不知有是下也及得玄卿墨品種

種精妙且如則還直不二不欺私心竊謂足下古質  
實名子今人中不多見者嗣是羅赤城書來始知足  
下豪傑好義有聲詞壇隄縻之業特其寄寓此自古  
英雄一不得志於時往々有所托以垂名千載不朽  
大業寧獨在鍾鼎間也捧誦華牘詞旨茂美而詩篇  
璀璨雋爽有致此可直接司馬之軌異日者登壇執  
牛耳夫何難哉鼎牘遠頒且見高誼墨苑墨品一一  
拜嘉藏之十襲昔人謂一生當著幾兩屐今得此於  
足下可以畢此業矣小詩一章置之篋頭聊為足下

噴飯事牧之苦海為不佞藏拙可也肅此以候并謝  
郵雲在望不盡依々

勳部澹生王公書

入春風雨愁人使者隻身遠道良苦此中梅花盛開  
時發窗前之夢恨不得吾丈揮麈傳觴其中去是欠  
事明年此際能一顧我否所惠墨領訖可謂愈出愈  
奇能為不肖特製數挺工料如金不換者必有以相  
報墨苑精巧其天孫兒工也其傳無疑矣日疾困甚  
草勒不莊

太學公望程公書

海內以墨卿鳴者新安爲之魁新安以墨卿鳴者是  
下爲之魁不佞近接台光兼蒙盛雅且暮且謝歸未  
淨掃書帷焚香染翰神光炯燦紫霧騰飛悉從端硯  
中而起有是哉奇之奇者也足下力奪天工製絕人  
巧芳聲當垂之不朽矣常伴奉候愧無以爲似適檢  
篋內定造白雪樓君十握敬貢文右玄：佳品非此  
君不能寫其精管子墨卿庶兩相爲用矣足下其鑒  
涵之乎幸甚

參軍衛嶽丁公啟

仰惟門下江左異品新都奇才詞賦舊名家寧惟班  
馬之右墨苑今作者若出淵雲之間憶典漢代官儀  
肅萬國而拜衮冕遂成周家禮樂領群辟以侍君王  
表：清朝近臣英：當代鉅望無端非語雅志歸來  
但直己之自信豈讒人之罔極坐園中而視草讀其  
文慨慨悲歌核紙上之成言即其事痛哭流涕既而  
飛霜擊於燕地目之振風告於齊堂出諸幽深之中  
暴之光明之城公踪已白人謂無寃生為聖世之遠

民製作錦囊之妙墨俾鳥跡玉牒鬱雲起乎翰林將  
操觚含毫榮風飛而醴醑爰成佳刻自序請文尺素  
到湘江辱公惠我片言飛几案托字將心謹謝

當塗明府遂東王公書

古人有意氣之交即一面未覩何害為知己不佞交  
海內之士甚廣然耳君房之名蓋不啻雷灌矣七年  
江干今日作牛馬喘每憶仁兄之墨隱譖長而意遠  
輒為羨絕但不敢先冒按劍之恥而不意蘭心華韻  
先有芳訊之來也情儀備寫感謝、、使者來日正

值新命重移然尚欲至剡門候部考選則尚可同  
在燕市中調笑耳百冗蜩張腸俗而腕弱墨苑序殊  
不文仁兄不遺姓字令善書人好鐫之扇頭佳句美  
溢愛深何以堪之敬為賦謝兼致小物引意匪敢云  
報也惟仁兄存之不佞還欲墨戲許為入京資友之  
用不日差人特值來尚有嗣音此不惶覩縷也

貴池明府赤城羅公書

初春使至索報甚匆謂門下二月初即行也以故長  
安故人僅附表告卿一書今接來教乃知旦暮始發

矯首河橋無緣折柳韓退之稱燕趙多慷慨悲歌之士而於董生之行榮其必合門下意氣吞吐雲夢八九何啻十倍董生斗酒和歌語言契合當必有結締千秋也者敢以為門下贈薄具聊當祖敬統惟鑒在

霑益州使君東台汪公書

去春辱琳琅之函并玄卿之賜迄今耿耿恨僻處山城無能時通訊候耳新都有門下宦遊四方者靡不偕光若洪觀察公每相見輒自津上而同儕則時相索真可謂今之墨聖前無古人矣尚面晉謁以聆



玄旨不宣

觀察使文所馮公書

尊所製墨象稱其表體貴于形非獨豹囊雁錦足誇  
也往方氏以司馬作乘韋司馬擢賊古人方子窟穴  
司馬兩相重兩相利乃爾嘗讀司馬壽江陵太公文  
所稱衆父之父六子之乾以天況人卑：佞哉余醜  
其人併醜其言方子汗流追逐猶蠅集矢蟻附羶胡  
怪哉公獨卓然不為眩惑真有豎立三界之意所治  
一隄廩寧得不精日者誤聽里人一二口語幾失公

今久歸之當不以縲紲短公治長作寶墨記一首附  
銀鹿上之集中有序有賦未容添足更有小贊請俟  
異日邢子愿韻人也所稱墨與香同一關紐亦猶書  
與畫謎與禪有味哉墨與香並為政此策必非無俚  
墨沉香引墨香不能踰案而香香乃至透垣一如閨  
傭士一如嗽名人二者相得當益章、文請亟行此  
策嬌嫻二妙天下操觚士更當躍然奮迅揭竿而先  
之矣

又

昨擬作記耳偶有餘瀋聊為作贊媿不能稱墨家南  
董公以玄契墨而墨以玄效公知己作伴亦何羨凌  
煙自此以後天下齒類若房唐奚宋潘跼蹐九幽矣  
有深髯者有微髯者並道公括諸程六千緡以往自  
此招致墨卿當不減孟嘗三千偶幸舍既滿以波及  
晉國何如一咲

又

嘗見宋小說謂李廷珪既以墨名贗者甚衆有好事  
張公子欲得真者使使至其家以最美圓珠飾其首

後德壽重華兩宮爭構僅得一笏即公子所專造者  
公子圓珠一顆價直百金盡全用為題非研磨為料  
也公製墨精妙何人能飭表層售此如晉陽真主不  
衫不履自走天下英雄何待冠冕珮玉也然今世重  
墨若張公子恐察矣王辰玉詞林翹楚何以苑中  
不見一字豈誤遺耶使若再來幸續示之不佞初夏  
往長安佳墨見貺當以資平乘一玩不敢用代朱門  
羔雁也

又

我丈狹色雄心飛揚六合即酒杯間意氣便足千古  
何事如之佳墨之賜多，益善但媿投瓊無能為報  
耳對客草覆此謝不一

廣文惺衷方公書

不佞樸樸亡足比數曩者以豚兒沐雅愛故敢通一  
刺致謝門下並伸仰止之私而明公不以為樸樸而  
棄捐之既賜令音復辱瓊瑤之報厚碩殷懃出自匪  
望覽佳篇知幽懷逸志而禹錫輩當拜下風試園香  
臨池之際恍惚若五色雲起而廷珪父子當避三舍

明公何曠世絕倫至此我不佞何脩厚遇明公至此  
我唯是一羶羶守咫尺斗山末繇瞻對寤寐徒勤耿  
耿耳倘徼天之幸拜一命於大郭之間折腰之暇得  
追隨杖屨商訂千秋則不佞私衷充足生平之願焉  
第恐造化妒人不能什伯如薄命廣文意也茲因敝  
力之便謹獻八行奉候起居并布積悃爰、微忱聊  
佐雙鯉不足為敬恃通家意氣不我督過耳墨苑想  
已卒業尚有白於左者雖傖父之談不足為重但藉  
明公芳躅足附名不朽或此地有名人亦敢借求附

未臨風草、不聲心聲

太史蘭岫朱公書

昨奉雄談不勝愉快豪俠胸懷才賢遽抱大非塵界  
中數、見者俟台旌返自塞上再番披露以悉

寶墨齋記

余觀魏武當漢之季世宇內四分五裂以彼  
雄才大略睥睨神器日提干戈脩馬上之業  
宜心神專有所屬他務未遑然猶廣招文人  
才士馳驚詞翰據鞍草檄橫槊賦詩故融父  
子兄弟擅名鄴中六朝以還鮮有儼匹益信  
斯道為千秋大業不朽盛事楊子雲乃以雕  
蟲小技目之至謂壯夫不為何其說之謬乎



及觀陸雲與兄機書言三臺之上曹公所貯  
石墨數十百甕夫石墨今雖莫覩想其形質  
亦當不甚可玩何足多藏蓋曹氏酷嗜脩文  
翰墨實其所需恒恐乏絕故不覺其藏之多  
耳向使孟德目不識書手不作字方將溺儒  
冠焚典籍何至藏墨于層臺閤室以資後來  
好事者之標賞為余為童子時性即嗜墨中  
年專攻其業晚益成癖至傾橐倒囊一無吝

惜客有規余者謂子破產治墨技固殫矣第  
恐玄之尚白異日何以為子孫計耶余惟先  
世遺產不逮中人比余脩業息之幸累萬金  
乃今畢奉墨卿成吾所好昔灌夫有言侯自  
我得之自我失之亦復何恨况余一技之精  
上掩千古家之所藏不減三臺嘗笑李廷珪  
煇松為煤和劑以漆材質色澤不足以當吾  
下品徒以時無作者橫得美名厥後德壽重

華兩宮爭購僅得一笏價倍黃金幾埒重器  
使吾子孫誠能守吾遺墨不輕畀人焉知後  
世不動尚方之求而長桐鄉之價乎且吾  
今日業已得當鑒賞名家上自館閣下至少  
林更僕悉數殆百餘曹言人々殊品類則一  
序文則管觀察東溟云殫精竭思尋真辨偽  
得三昧於烟煤膠漆之間金黃門崑源云殫  
竭心思剖抉玄妙前無古人後無作者彭侍

御熙陽云堅而潤黝而光探其闕審其所玄  
解者未易語人焦太史澹園云輕乾黝黑入  
硯無聲蓋備墨之衆美古人所未及宋文學  
響泉云余嘗于高麗蒔吳江綾上試君房墨  
及乾鮮明如鑑始信仲將一點端有此理朱  
太史蘭岵云瑩然星燦耿然珠圓熖不四灼  
而烟輕如碧天顯彩又作訝詩有云託跡桐  
柳與漆園化人入火疇能燔形銷質盡精魄

分真靈乘氣常氤氲顧太史隣初云進于道  
疑于神濡之而赫蹏繫舐之而輔車芬襲之  
而冊府重屠儀部赤水云制作精良實有神  
授妙解秘密不傳之訣經數十年後當與李  
廷珪並傳陶太史石簣云古稱常仲將之墨  
一點如漆至君房則真漆耳程比部人林云  
玄元若存靈氣綿亙今嗣古其法無前董  
太史思白云橫絕四海不減奚超百年以後

無君房而有君房之墨千年以後無君房之  
墨而有君房之名宋經略桐岡云制造精美  
駕超軼谷奪天地之工窮人物之變趙太史  
溟南云幼博之墨諸品咸精而玄元靈氣幾  
於神化祝諫議石林云墨品母良新都新都  
母良幼博墨道之興斯集大成王吏部澹生  
云至於造墨之佳冠絕昭代未聞奚珪父子  
握筆染翰若此者公遂為千古一人矣索得

同官董太初一墨贊此兄韻中人也每嘆賞  
佳墨以為真金不換耳王山人百谷云佳墨  
一點如漆可方仲將無論潘李況于魯輩哉  
又贈以詩云身將墨隱非求市老得詩名獨  
擅場邢太僕子愿云幼博然漆成劑遂擅一  
時光價幾成墨妖錢山人和父云烟草膠液  
必精必良龍文外昭珠涎內潤江中丞念所  
云幼博制墨表裡如一絕類其為人玄德茂

矣洪太學汝含云堅而潤黝而光真二兩之  
烟一點之添可以書王遠噴班孟吳民部白  
雪云君房氏妙解墨宗三昧能使一滴黑水  
如雨頭數周徧詞林得未曾有趙別駕仁甫  
云黝而且澤質有其文不計費不惜工不二  
價以故寶擅文壇聲流華裔賦贊則鄒學憲  
愚谷云若烟無烟若質無質似香非香似色  
非色漠々嘿々變幻恍惚漏元氣而涇濛盜



沆瀣之流液羅貴池赤城云純漆比色黑玉  
敵勛煙真草細杵到膠清董吏部太初云碧  
松精含金壺光矚窮工壺妙入浮提局金侍  
御麗陽云羲之筆經常誕墨方誰其嗣之博  
物君房豫章王孫用虛云千載心知余多君  
房四海手澤無渝古歛嚴比部天池云固元  
斲雲玄趾導臚常誕顓蒙奚起未濟丁叅軍  
衡嶽云張精而囊豹文則蔚如含光而吐犀

神則瑩如薛文學虞卿云神哉鴻臚不龜三  
昧質有其文窮工盡技詩歌則羅武庫澄溪  
云燃焰睨高卑銖々亦無失萬杵成隋廢徽  
名遇少室蕭司成玄圃云不借龍麝芬真氣  
滙玄元精比雙南金清羈閭風僊于宗伯穀  
峰云烟雲氣結松為爻文賦名高墨作卿于  
符卿念東云非煙浮黥黑入水識堅剛易水  
源何盛新都派更長馬文學季聲云為點為

畫色俱散非煙非霧毫中起丹臺似乞青龍  
胎王母疑分白鳳姊林氏部天迪云詭如滄  
海羅貝玕燦如晁采開崑岑千奇萬恠譜難  
盡一片價重雙南金梁黃門惺田云古來此  
技彌奚氏玄丘更闢新安市千塵萬井皆尚  
玄獨有程生噪人耳王太史省庵云掃拾惺  
銖兩調和倍討研九蒸憐雪絳萬杵劇霜玄  
王山人太古云造時夜聞鬼神泣天地妙法

秘不得獨耀萬古無精光尋常一枚可敵國  
沈司馬繼山云帶草畫窺松外徑墨花晴染  
竹間池姚比部允初云淡烟漠漠碧雲橫層  
累繞得四銖輕彈丸珍襲授長卿乍研龍尾  
瑩且清徐山人興公云端溪石上生紫光染  
濡毫素增光芒始知製法入三昧軼李超潘  
誰頡頏沈太史銘鎮云龍紋故號新安香珪  
璧陸離曹位置鮑儀部中素云芬芳噴薄龍

麝散光采陸離珠璣絜知是冲玄靈氣鍾蕭  
颯秋堂烟霧籠張孝廉伯起云古未英賢負  
奇癖稽生之鍛阮生履後此復見程鴻臚親  
杵玄霜點膠漆夫以上諸公俱稱博物君子  
于余或丘里親故或湖海雲萍或一時傾盖  
或千里神交或承倒屣延納或蒙虛左招尋  
或緣墨卿介紹或奉詞壇鞭弭臭味既同獎  
誦備至汙不阿好何由臻此然天實啟之非

余始念所及也竊惟吾鄉素封十室而九上  
者擁貲鉅萬次者亦累數百千金錦繡充于  
篋笥玩好溢于齋閣自謂陶朱猗頓意氣揚  
揚乃若青雲之士率以銅臭目之問與往還  
不過叙問寒暄而已吾尚玄如楊子守黑如  
老氏身雖被放而神日益王業雖就隳而名  
日益起至公卿忘其貴燕郢忘其遠履舄填  
門竿牘盈几爭持文綺白鏹易吾墨一函數

挺不啻空青水碧珊瑚木難由是觀之盛世  
所寶誠在此而不在彼矣碩所居湫隘雖不  
敢望漳河崔臺乃桐烟妙製大非石墨可比  
因取先祠之東隙地方丈特置一室貯墨百  
櫃以待四方賢豪長者之求且以遺吾後世  
所不知者何人遂自署曰寶墨齋仍撮羣公  
贈言而為之記

萬曆甲辰菊日玄玄子程大約書于二酉室

書寶墨齋記後

余兄幼博先生為寶墨齋記成客有卒業而  
獻疑者子之為墨也烟而非烟也馨而非馨  
也則誠足寶也者子之為齋記也矢句而金  
擲也琢字而玉圓也則亦足寶也者而不見  
子之先世乎苓塞傾蓋之士則聖人友也伊  
洛兩夫子之賢則聖人徒也亡已而秦之御  
史邀河汾之弟子元皆治文墨轂今古子不



之采而口實孟德為奸人黨乎余應之曰有  
是我子之迂也孟德固一世之雄也矧事有  
足取烏乎其以人廢之紫陽大儒也書法妙  
千載于孟德事臨摹焉六代而下為詩者于  
三曹父子不勝誦法而師承之矧獨墨也客  
默然無以對于是吳門遺酒至浮數十大白  
徑醉矣因而被髮濡墨紀其事于記末

二酉生程涓撰



吾鄉山峭厲而水清潔所產人士大都卓犖  
好奇紫陽先生崛起有宋紹子載不傳絕學  
文章事業非唐虞周孔不遵獨書法摹取魏  
武常語人曰吾法其書不法其心伯兄幼博  
作寶墨齋記頗矜漳河三臺之歲思彷彿其  
遺意焉夫曹公曖昧詭譎城府深架荀文若  
與之朝夕論議白首而不得其心幼博剛腸  
直氣纖毫畢露雖三尺童子一見即可識其

生平其人品之相反若冰炭然何抽毫削牘之際嚮慕其人至艷說而侈談之津津乎有味其言耶矣亦紫陽取節之素其瑕瑜自不使相掩歟余恐觀者欲以此槩幼博於事故特為表而出之宗第寡跋

里人鮑觀光書

寶墨齋歌為

幼博宗兄作

昔人曾有言積金遺子孫取盡鎗銖  
用糞土轉瞬之間無一存昔人曾有  
言積書遺子孫隻字一丁葬不識汗  
牛充棟將奚論積金積書俱泐：較  
言二者積德好陰德冥：何有鄉爭

似吾兄墨為寶吾兄攻墨五十年早  
見童烏預太玄守黑風持老氏後揮  
毫魯侍君王前伉直敢與權倖忤進  
賢冠脫挂神武矢言墨氏悲染絲寧  
向楊朱泣窮路歸來舊業未應荒蒼  
山點水寄桐鄉遙向鷄林收玉液高  
漫兌梓搥玄霜翰墨寶齋構何霞煙

光霧彩紛如許離珮真如九子多富  
藏不減三臺佇林々墨苑輯成書篇  
篇珠璣繞璫璵就中妙言千萬億  
愛雲間董仲舒其言君房可百載百  
載之外墨不廢傳至千載墨亦亡君  
房之名千載在榮名為寶々未央延  
璫父子及仲將黃銀白璧無顏色楮

生管子供文章香霧漆光浮石硯絕  
勝千金與萬卷敢言遺安子若孫遠  
被夷裔近視串

萬曆聖人筆如掾縱橫墨妙動雲烟歌  
成天地分明晦為祝重黎世業全

弟涓具草



表素書